

**elegatkinja Borjana Krišto** postavila je dva pitanja.

**Prvo pitanje** upućeno je Uredu visokog predstavnika u BiH, gosp. Valentinu Inzku, koje glasi:

*„Poštovani, vezano za Vaš nalog od 27. marta 2011. kojim ste privremeno suspendirali određene odluke Centralne izborne komisije BiH, kao i sve postupke u vezi s prethodno navedenim odlukama koje je donijela Centralna izborna komisija BiH na svojoj 21. sjednici, održanoj 24. marta 2011., kao nezavisni, profesionalni i jedini ovlašteni organ za provođenje izbora, a budući da ste Vi po ovlaštenjima nadležni za izgradnju BiH kao pravne i demokratske države, radi opće a i pravne sigurnosti i vraćanja povjerenja građana u pravni sistem BiH, postavljam Vam sljedeće pitanje - kada ćete Vaš nalog o privremenoj suspenziji odluka Centralne izborne komisije BiH staviti van snage, kako bi odluke Centralne izborne komisije BiH bile pravosnažne? “*

**Drugo pitanje** upućeno je Agenciji za istrage i zaštitu BiH, Tužilaštvu BiH i Tužilaštvu Federacije BiH, a glasi:

*„Budući da je ovih dana javnost uznemirena zbog postojanja određenih spoznaja, pa i činjenica o nezakonitom trošenju budžetskih sredstava na cijelom području Federacije BiH, konkretno, raspodjele poljoprivrednih podsticaja iz budžeta Federacije BiH, a imajući u vidu svakodnevne upite građana, moja obaveza kao delegata je da postavim sljedeće pitanje - da li su nadležne institucije upoznate o ovome i da li su preduzete konkretne mjere i aktivnosti u skladu s vašim ovlaštenjima? “*